

四庫全書

子部

欽定四庫全書

子部

觀物篇解卷一

詳校官中書臣葉元符

靈臺郎臣倪廷梅覆勘

總校官降調編修臣倉聖脉

校對官編修臣莊通敏

謄錄監生臣鄧捷成

欽定四庫全書

子部七

觀物篇解

術數類一 數學之屬

提要

臣等謹案觀物篇解五篇附皇極經世解起
數訣一卷宋祝泌撰泌字子經鄱陽人自號
觀物老人書首署銜稱承直郎充江淮荆浙
福建廣南路都大提點坑冶鑄錢司幹辦公
事而起數訣內又自署提領所幹辦公事不

知其終於何官也案朱熹尊經義考有泌所
撰皇極經世鈐十二卷此本題作觀物篇解
又止五卷與熹尊所記目次不合而別載泌
自序一篇所陳大旨又頗與此本義例相近
或一書兩名而後人合併之歟又案泌自序
末署端平乙未而起數訣序內題淳祐辛丑
上距乙未六年在皇極經世鈐已成之後且
今起數訣乃單本別行而觀物篇解第四卷

中亦有併以起發用法別載成卷語是當與
用法別為一書而用法已佚即起數訣所存
亦僅聲韻一譜已非其舊今始附入觀物篇
解後以存其概泌所言大小運數雖皆歸宿
於畫圖其斷法則不專在卦而在四象大旨
先用四爻藏閏次用四爻直事大運起泰小
運起升於牛思純寶局張行成通變多所駁
正然如邵子言四象相交而成十六事必遂

創為二十五變之說邵子言始復小父母泌
遂創為同人起分秒之說皆與經世書乖異
不合其推大小運一變不協則再變至三變
四變以求協者尤非出于自然至于聲音律
呂之學邵子得之其父古古書備見正音叙
錄軌轍可尋泌乃取三十六字母之翻切以
聲起數以數合卦僅與壬遁同用求深反淺
且聲音韻譜所說以夫普旁母字當字母之

用既屬支離至所云人用分數物用秒數數
起同人之類尤為迂曲難解似非盡出於邵
氏本意然永樂大典別載有祝氏占例所言
實皆竒中陶宗儀輟耕錄載泌精皇極數其
甥傅立傳其術為元世祖占卜尚能前知則
亦小道之可觀者蓋其學雖宗康節而亦自
別有所得故其例頗與經世書不符而其推
占亦往往著驗方技之家各挾一術邵子不

必盡用易泌亦不必盡用邵子無庸以異同
疑也二書世所抄傳間有訛脫諸本並同無
從訂正今亦姑仍之云乾隆四十六年十一月
恭校上

總纂官

臣

紀昀

臣

陸錫熊

臣

孫士毅

總校

官

臣

陸費

墀

欽定四庫全書

觀物篇解卷一

宋 祝泌 撰

皇極經世一

皇大也極已至而不可踰無過不及也屋棟為極
高之至也大之又大為太皇極猶太極也康節曰
太極道之極是皇極者大道之至如中庸之至至
德之至也極有二義至中之極皇極太極是也過

中之極六極是也故極不訓中夫周易祖於洛書
用九皇極祖於河圖用十其旨不同今皇極經世
古之連山易也洛書以四方四維為八卦之位
九疇之五居中立極所謂易有太極也康節先生
傳連山於山林隱德之士用天一地二天三地四
天五地六天七地八天九地十折而中分之天一
至天五居前地六至地十居後其中在五六之間
當虛物之所以天五為陽中地六為陰中殆執兩

端而用中焉是所謂無極也然則極之有存於周易故曰易有太極極之無存於連山故曰無極而太極康節傳此道於李之才演為經世書六十餘篇一卷二卷曰元經會三卷四卷曰會經運五卷六卷曰運經世三節不同乃總名為皇極經世篇何也元經會總十二萬九千六百年為元觀天之數也會經運去一元之交數取開物至閉物二百五十二運以九萬七千二百年為元觀地之數也

運經世以三百六十年為元紀帝王之御極理亂之變遷人物之泰否觀人之數也載三千年之治跡百世可知也又其下四卷以律呂聲音之變觀萬物矣夫康節之書為經綸斯世而作不名之曰經會經運而曰經世憂世變也或曰河圖用十今先天八卦乾一兌二離三震四巽五坎六艮七坤八則止矣九與十何以無卦曰數所分配之卦有體也卦所不及之數無體也周易不用五而卦卦

有太極皇極不用九與十而歸于一同一道也何也取卦之法若得九數則復為乾是九亦一也用數之法無問十百千萬皆為一是十亦一也聖人法洛書河圖而建極易之有極皇極之無極者皆

天道也

觀物外篇曰天數五地數五合而為十數之全也天以一而變四地以一而變四

者有體也一者無體也是謂有極之極也其旨如此蓋天之變四乾兌離震即元會運世也地之變四歲月日時即坤艮坎巽也乾坤各存其本不用故以元經會則用會會經運則用運運經世則用世是會運世皆用而元不用也

以元經會一

元大一統也會數之交也以一元之大數十二萬九千六百分為十二曰會每會一萬八百如一歲之中日月合璧于十二次舍會在元中故曰以元經會一元初分為會如混沌初開天地故為天之數皇極之法分大運小運大運者元會運世如莊周之所謂大時小運者歲月日時如莊周之所謂小時以元經會則元為歲會為月運為日世為時

以會經運則會為歲運為月世為日歲為時以至
以運經世皆大運也以歲經月則歲為元月為會
辰為運時為世等而下之至日為元時為會分為
運秒為世此小運也若以日為元則數大微一秒
在瞬息不可分故以歸之律呂聲音而以律呂圖
續於後也皇極又斂大為小以一百六十七億九
千六百一十六萬為分而當每日一分之數十三
億九千九百六十八萬為秒以當每日一秒之數

是也大運之元起於子中其干支起於甲與子小時之元起於寅初其干支皆起甲巳蓋於天地未開闢二會半之先而立數於天地已閉物一會半之後而終數先天地而始後天地而終終則又變而通矣

觀物篇一

說大學格物者曰窮理之謂也蓋物物稟此極而生順此極而遂在易卦卦有太極皇極物物有一

元康節之觀物非觀之以目亦觀其稟受之理耳
邵伯溫曰先君受李挺之義理之學物理之學性
命之學是格物止於義理之學而觀物乃物理之
學也康節先生以皇極圓圖觀天觀地觀歷世之
泰否以皇極方圖觀動物觀植物觀運用之物嘗
曰今之言數者以數入於術須以數入於理即是
言也康節之書六十二篇無非皇極之妙蘊而中
篇以後歸於人事者居半存聖人變理之妙未始

悉規局於鋪籌布算之間蓋自皇極之分兩圖生
二儀則一靜一動之判也由二儀而生四象則動
而陽剛靜而陰柔立天道之陰與陽立地道之柔
與剛也夫四象也一交於易而生八卦一交於皇

極而生十六位

易以極之四象生八卦皇極經世
兩各相交為元四象為元會運世

之元等
十六位

易之八卦再交而生六十四卦皇極十六

位再交而生二百五十六位易之六十四卦三交
而為四千九十六卦皇極二百五十六位三交而

為三萬二千七百六十八位至四倍於十三萬一
千七十二其為相倍之法則一而所以相倍之數
則殊夫極存於混沌未判之先達於氣質成象之
表充塞天地貫通今古大造不能外是以生物聖
人不能違是以開物動植不能舍是以成物而先
生即是以觀物前六卷備元會運世之變以觀古
今人物之變泰否之升降損益之進退悉存乎卦
卦之得位失位得時失時而吉凶生焉若中四卷

乃自太極而分二中自二中而分陰陽剛柔之太
少以象八卦陽剛之太少皆十數五中之倍也陰
柔之太少皆十二數六中之倍也由是倍五中四
因之得四十為陽剛之體數倍六中四因之得四
十八為陰柔之體數也乃以其數互除於四十之
數除十二得二十八為陽剛之用數於四十八之
數除十得三十八為陰柔之用數以四乘之得陽
剛之數一百一十二陰柔之數一百五十二相交

而互變始於一萬七千二十四極於二億八千九百八十一萬六千五百七十六以取掛一之二百五十六卦以觀天地萬物之進退盈虛消長顯仁藏用不可誣也康節一元吟曰上下十二萬九千餘六百其間三千年迄今之陳迹吾能一貫之皆如身所歷則康節之所觀天地亦物也古今亦物也形而在下凡有象者皆物也

日甲一月子一星甲

一升蒙
泰損

辰子

也

一初年至三十年一世

星甲之下分繫兩卦者前一卦是張文饒通變中所定始於世之元之元殆若周易元亨利貞而先用貞無是理也以家世所傳改正之而始於元之元之元正合先天之理悟皇極者知所擇矣

辰丑二

三十一年至六十年
二世也

辰寅三

六十一年至九十年
三世也

辰卯四

九十一年至百二十年
四世也

辰辰五

百二十一年至百五十年五世也

辰巳六

百五十一年至百八十年六世也

辰午七

百八十一年至二百一十年七世也

辰未八

二百十一年至二百四十年八世也

辰申九

二百四十一年至二百七十年九世也

辰酉十

二百七十一年至三百十年十世也

辰戌十一

三百有一年至三百三十九年十一世也

辰亥十二

三百三十一年至三百六十年十二世也

此混沌之先一元之初月子一者第一會也星
甲一者第一運也辰子一者第一世之始年也
內篇曰日經天之元月經天之會星經天之運辰
經天之世是日月星辰者元會運世也元與運為
陽故取十幹之甲乙至癸即倍五中之陽數為十
也會與世為陰故取十二支之子丑至亥即倍六
中之陰數得十二也以是陰陽之數繫於觀物篇
而此為一元之端四象之首十支之始太一之初

即歷家之正元所自起而皇極四象之所由肇也
日甲十千之首也元經會止於日甲經天之元無
乙丙以下蓋天地之大元一而已以元經會為觀
天之數止於一元是為天法道道法自然月子者
會數始於子自元枵至娵訾凡日與月躔離於天
為會分一元而治者十二也星甲者運數始於甲
也周天三百六十度以當三百六十運如一歲十
二月有三百六十日謂之星則取周天三百六十

宮也元與運之數屬陽故亦以十干繫之辰子者
世數之首四千三百二十世之初以元之十二萬
九千六百年三十餘之以為世得四千三百二十
世如一歲之時辰數故曰辰子而亦起於一也會
與世屬陰故以十二支繫之是謂元之元之元之

元

或曰會經運經世之元之元至于十二以十
二支繫之元經會一而已矣乃以甲繫至于三

百六十以甲繫之可也元生生不息繫之以甲存
生之義也曰天地大矣窮則變變則通之後不又
有元哉此康節先生不窮之旨也蓋亦猶六合之
外聖人不議耳泛觀釋典惟劫盡復劫之說與靈

寶經有元洞玉歷龍漢延康之說謂三寶君治三劫而今劫終于甲申其旨固不可曉既曰不議則康節係之以甲亦仁者之用心存此數於無窮者也

星乙 二損 辰子主

三百六十一年至三百九十年十三世也

星乙者第二運也張通變用蒙卦非今正之用損

卦

辰丑主

三百九十一年至四百二十年十四世也

辰寅主

四百二十一年至四百五十年十五世也

辰卯主

四百五十一年至四百八十年十六世也

辰辰壬

四百八十一年至五百一十年十七世也

辰巳癸

五百十一年至五百四十年十八世也

辰午壬

五百四十一年至五百七十年十九世也

辰未辛

五百七十一年至六百年二十世也

辰申壬

六百有一年至六百年三十一世也

辰酉壬

六百三十一年至六百六十年二十二世也

辰戌壬

六百六十一年至六百九十年二十三世也

辰亥壬

六百九十一年至七百年二十四世也

第二運中第二十四世七百二十年也

此數之大運至第二運星經天之乙者也故書星
乙之二此時天地未開而畫前有易皇極之卦已
有攸屬今以損卦附之蓋月子一星甲一當元之
元之元之元泰卦則此當元之元之會之元損卦
而皆在甲巳仲之干支內此則乙子也若辰之子
為第十三世則以世比時如乙日之丙子時

星丙

三大畜

辰子丑

入元七百二十一年
至七百五十年二十

也 五世

星丙者第三運也通變用蠱卦今改正用大畜卦

辰丑癸

入元七百五十一年
至七百八十年二十
六世也

辰寅壬

入元七百八十一年
至八百一十年二十
七世也

辰卯壬

入元八百十一年至
八百四十年二十八
世也

辰辰壬

入元八百四十一年
至八百七十年二十

九世也

辰巳辛

入元八百七十一年
至九百年三十世也

辰午壬

入元九百一年至九
百三十年三十一世
也

辰未壬

入元九百三十一年
至九百六十年三十

二世也

辰申壬

入元九百六十一年
至九百九十年三十

三世也

辰酉

入元九百九十一年至一千二十年三十

四世也

辰戌

入元一千二十一年至一千五十年三十

五世也

辰亥

入元一千五十一年至一千八十年三十

六世也

此第三運之二十五世至三十六世也

星丁

四大畜節一會
中之第四運

辰子

三十
七至

辰亥

四十
八至

此第四運之第三十七世至四十八世也其下

可以類明之矣

星戊

五節

辰子

四十
九至

辰亥

辛
入元至此六十世一
千八百

星己

六節

辰子

六十
一至

辰亥

辛 八元至此七十二世
二千一百六十年

星庚

七需
中孚

辰子

壬 壬
三至

辰亥

八十八元至此八十四世
四千五百二十年

星辛

八中
孚

辰子

癸 癸
五至

辰亥

九十八元至此九十六世
六千八百八十年

星壬

九小
畜

辰子

癸 癸
七至

辰亥

百八元至此百八世三
八千二百四十年

星癸

十小畜
歸妹

辰子

甲 甲
五至

辰亥

亘八元至此百二十世
十三千六百年

已上是月之會之一經運之星十千一周三千六
百年乃大造之初先天之首二儀未判混沌之時
所列十卦即畫前之易卦雖未畫未有名而其理
已存夫太極包萬有五大肇一元自大朴胚輝之
始已具元會運世之序如歲月日時之數安得不
備大易之理乎皇極之元康節以甲一繫之者天
宗一元為道之先甲首十千為善之長紀之以甲

仁之端也若地法天與品物流形本同未異初不離一元之內故以會經運則地有十二元以運經世則人有三百六十元由是以世經歲散為萬物至有四千三百二十元等而下之在物有此數則有此元初無二本入百二十年之物則以百二十年為元犬馬三十年之物則以三十年為元與夫朝菌不知晦朔蟪蛄不知春秋隨其分量皆與一元以為始終則康節以甲繫之謂雖天之元無乙

丙丁而人物之元有丙丁至癸也未容輕議

張曰乾當

太極以一元為一年坤當元氣以一會為一年人物以一會為一年天以一運為一年地以一世為一年或以一日或以一年或以一月一時為一年也

日甲 一
月子 一
星甲 一

十一
歸妹

辰子

一百五
十五

亥

一百五
十二

星乙

十二
大壯

至

癸

二十
乾

辰丑

一百五
十五

亥

二百
四十

右為月會再周十千之數亦三千六百年通前七千二百年其為卦皆可以掛一圖推之不待悉注而一會之數猶未竟尚有二千六百年

日甲一月會子一星甲

二十一
乾困

辰子

二百四
十一至

亥

二百五
十二

星乙

二十二
困至

癸

三十
過渙

辰丑

二百五
十二至

亥

三百
六十

自八元以來至此一萬八百年猶是未開天地之時也

右月會之子已三周十幹亦三千六百年通前一萬八百年而一會之數方終如一歲建子之月當北方元枵之位又天地胚胎之初如人受母一月胞命之元高厚未判清濁未分當混沌之時纔經一會如年中之一月也康節曰一非數也而數自此而始既命之以數則有卦可知然此卦亦是氤氲化醇之體初未見於用也而亦有可為之說者

一元之初卦始于泰則天地交合有通泰之理一
會之終卦循于渙之九二則乾坤將莫有渙大之
基其在先天圖卦一元始於復而一會之卦終于
震震為世卦而乃當三十運之終雷在地中於茲
震動一陽自靜而動其靜不可謂之陰而陽生於
靜中故今言二氣之序曰陰陽義亦以此

凡直運直世直年月卦之次第繫一圖之序其卦
繫於通數內鋪張抽布而成一定之序非如易以

義取凡二百五十六卦四爻直一年若用全卦
一千五百三十六爻分之得三百八十四之四
爻於三百六十日之外餘二十四箇四爻此易
之閏爻也故於每氣之首加四爻以當閏當閏
者非虛存其日也凡節氣之交必在一日之中
其未交氣之前時辰則屬前氣了已交氣之後
合是後氣中一日故每氣十五日而有十六日
是以於節氣之前存四爻以直之至氣之終雖

不滿一日亦當一日而交氣之後所有時辰則
當後節之閏也歷法歸餘於終皇極存閏於首
此謂之皇極交法如十二宮方排之只是十二
至循其外邊之弦數之則每方四位四四而十
六方矣所以皇極太極圖十六者只是十二支
之分位斂四位入中也故其實只十二其方則
十六與此當閏爻一同於皇極而欲用卦者當
先明此

以元經會二

觀物篇二

康節書有總一書之卷目有分篇旨之卷目元經會十二篇會經運十二篇運經世十篇凡三十四篇律呂聲音之變化十六篇內十二篇此康節分篇之卷數各分次第也康節慮其書之未有統也復以觀物篇通一部之數而繫之以總其書六十二篇又有外篇二不以觀物繫之書實六十四篇也

日甲一月丑二第二會之初

星甲

三十一
渙漸

辰子

三百六十一世一萬八
百三十年

此星甲是第三十一運改通變例用渙卦與漸卦

此第二會之初也大範初轉元氣左行與天自東而南元精右轉與日自西而南逆順交流清濁分化自一而二相配為儀經運三十一歷世三百六十一凡一萬八百餘一年之後於卦為渙漸天氣

既分而渙大地質方滋而漸布會為陰元為陽以
陰分陽以魄合日當月丑之會則天地始分兩儀
之時也三十一運之卦不全屬渙而又屬漸者皇
極存閏於首與厯法歸餘於終不同渙之初二三
四爻乃直第二會之閏云

日甲 一月丑 二星乙

三十二
坎漸至

癸

四十
臨

辰丑

三百六
十二至

亥

三百八十世一萬四千
四百年

此兩卦主三十二運前一百八十年周坎後一百八十年周漸辰丑是三百六十二世又更一十世至辰亥也

星甲

四十
臨謙至

癸

五十
剝

辰子

四百八十一至

亥

六百八十一
萬八百年

星甲

五十一
巽至

癸

六十
屯

辰子

六百一至

亥

七百二十八元至此
二萬一千六十年

此第二會之流行又更三十運一萬八百年
既盡星紀之次天開地闢陰降陽升是曰兩
儀而遊魂未動靈識未附覆載之中混合空
同冥冥而性存漠泔大範茫茫而空寂自日
月之外洞然無它物如人含元二月成胎只
有二腎形體未辨是為太初之世卦行於屯
與草屯雷雨滿盈天地草昧時也人之二腎
亦有日月之象醫家以左腎屬水右腎屬火

水乃日火乃月也

凡言星甲至癸者繫十運三千六百年也言
辰子至亥者繫十二世三百六十年也如是
於星甲至癸之下言辰子至亥則包十運亦
三千六百年此書張文饒作變通只言以元
經會之元起升蒙蠱井不曾逐運逐世排卦
故自第一運以後更不註變通卦名

以元經會三 觀物篇三

日甲一月會寅星甲

六十一
革至

癸

七十
大過

辰子

七百二
十一至

亥

八百
四十

星甲至癸是十運三千六百年此辰子至亥亦
三千六百年前辰子至亥是十二世三百六十
年與前不同

乾鑿度曰夫數始於一成於三故二會為兩儀為
乾旋坤轉之世三會為三才為人物孕育之世蓋

天地奠位陰陽旋轉必有妙合凝結之道是生人物隨寓而成逐氣而應自千萬而億兆猶建寅之月三陽亨泰品彙征通其卦革則天地革而四時成者也此會為開物之世不亦宜乎

日甲一月寅

三

星甲

七十一
姤至

已

七十六
震六三

辰子

八百
四十

星甲至已第七十六運二萬七千三百六十年此七十六運正天地開物之時康節不書者生物

屬乎地也康節曰開物於寅之中乃二月初氣驚蟄節古者驚蟄在雨水之前唐一行更驚蟄在雨水之後蓋帝出乎震于艮卦終始萬物之後蠢萌畢達雷雨滿盈而生物也

日甲一月寅三星庚

七十七
曜至

癸

八十
既濟頤

辰丑

八百四
十一至

亥

九百
六十

星甲

八十一
頤至

癸

九十

辰子

九百六十

亥

一千八十

此三會開物之時士農工商之人飛走草木之類
性情形體之質畢具伏羲氏始畫八卦造書契號
曰天皇論者謂天地之初自有三皇伏羲神農黃
帝又在其後疑信莫質大率皇與帝在先天六萬
四千八百年之前王與伯在後亦言其大槩耳

道藏

經有上三皇中三皇次三皇謂之九義其上猶有三皇而後又有三皇授經是則三皇非止伏羲與

開物為

九始

元經會之運卦在張文饒之例失其當者張當時
只得牛無邪堯即位之世卦升蒙蠱井之說又堯
大運在賁之說遂臆料其說而定起例未思康節
於元會運世為大運至於起日甲子卦用未然
之卦則從元為首排去也乃用歲月日時小運之
例既使日甲子却用卦氣圖已然之卦以世之
元之元之元為首分肇諸運非康節正書也故改

正之凡會運世三節皆元之元之元之元為頭既
是未然之卦故用日甲月子至於歲月日時之卦
却依張之例用世之元之元之元取已然之數而
用起日甲月寅恐觀者未知所以改正之旨故書
之

以元經會四

觀物篇四

日甲一月卯

四

星甲

九十
一損

至第三甲之

癸

百二十
漸坎

辰子

一千八
十一至

癸亥 一千四百四十

五釋可以例推

以元經會六 觀物篇六

日甲一月已 六 星甲 一百五十一 至第三甲之

癸 百八十 辰子 一百一十八

同人

辰申 二千一百五十七 唐堯 二十

康節先生之書司馬文正公謂法春秋之旨故事
在可疑寧缺文而傳信夫五太基於混茫典籍亡

於煨燼自唐堯而上吾夫子雖述五帝德篇與管子七十二代封禪之君世本竹書古史皇甫謐之傳雖有無懷大庭諸氏女媧尊盧列代殆無它質正故康節元經會之篇惟始於帝堯上而三皇五帝顯顯可知者特見於觀物內篇而不著於紀年之內夫開物之後人極既立迄是一千四百三十七世矣邃古無傳者四萬三千九十一年非略也斷唐虞之志爾

日甲一月己

六

星癸

百八十
同人

辰戌

二十一
百五十九

虞舜

九

經會之篇自是而後每世首書治迹紀年

此後六十載即為六會之末一元中分皇帝之治
象轉而為王霸蓋自六會末年以前如夏至之前
皆陽氣升長之時與期餘歲軌亦底此而長極觀
先天卦之序自復初爻當夬上六此何時也非有
命世之大聖人尚消息盈虛以盛德而處變豈能
康濟大難措天下於時雍使民由之而不知哉惟

堯舜克之夫子曰蕩蕩乎巍巍乎信乎不能無窮
者數之變保民無疆者聖人之常人定勝天易否
而泰此觀物內篇自五十六篇以後備陳古今之
理亂而歸於人事者也

皇極經世二

以元經會七 觀物篇七

日甲^一月午^七

星甲

百八十一
大畜節

辰子

二千一百六十一當六
萬四千八百省一年

夏禹^八

此第七會之首月經天之午如周之七月今之五月大造之運一陰始生元氣自是而降行陰消之限皇帝自是而為王霸後代豈無行帝道而帝之君奈時無升陽之會世入陰長之期觀物內篇五十九康節興歎時無百年之世世無百年之人治世少而亂世多君子少而小人多也

辰丑

二十一
百六十二

夏太康

二

辰寅

二千一百
六十三

夏仲康

三

辰卯

二千一百六十四

夏相

二十

辰辰

二千一百六十五

夏少康

二十

春秋昭公出居於外歲首必書地存魯君也夏王
相自二十八年失邦天下僭竊于有窮氏者四十
年少康生於有仍氏當辰之卯二千一百六十四
世若二千一百六十五世甲子年少康猶未復夏
之社稷也康節於經運篇書少康始生而此以夏
少康書於世首其春秋之義乎

辰巳

二千一百六十六

夏少康

五十

辰午

二千一百六十七

夏槐

四

辰未

二千一百六十八

夏芒

八

辰申

二千一百六十九

夏不降

四

辰酉

二千一百七十

夏不降

三十

辰戌

二千一百七十一

夏局

五

辰亥

二千一百七十二

夏墮

十

星乙

二百八十

辰子

二千一百七十三

夏孔甲

辰丑

二千一百七十四

夏癸

辰寅

二千一百七十五

夏癸

二十

辰卯

二千一百七十六

夏癸

五十

辰卯之首甲午次祀乙未即商湯革命順天應人之年矣

康節書夏癸可見所書歷代之君只為紀年

辰辰

二千一百七十七

商太甲

七十

辰巳

二千一百七十八

商沃丁

四十

辰午

二千一百七十九

商太庚

五十

辰未

二千一百八十

商雍巳

三

辰申

二千一百八十一

商太戊

二十

辰酉

二千一百八十二

商太戊

五十

辰戌

二千一百八十三

商仲丁

六

辰亥

二千一百八十四

商亶甲

八

星丙

一百八十三

辰子

二千一百八十五

商祖辛

十

辰丑

二千一百八十六

商沃甲

二十

辰寅

二千一百八十七

商祖丁

二十九

辰卯

二千一百八十八

商陽甲

二

辰辰

二千一百八十九

商盤庚

二十五

辰巳

二千一百九十

商小乙

六

辰午

二千一百九十一

商武丁

八

辰未

二千一百九十二

商武丁

三十八

辰申

二千一百九十三

商祖甲

一

辰酉

二千一百九十四

此不書祖甲二十二其不欲書文王生乎

辰戌

二千一百九十五

商武乙

二

辰亥

二千一百九十六

商帝乙

二十

星丁

一百十四
需中孚

辰子

二千一百九十七

商受辛

十八

此周武王承商之世也即位不在世首之年故康

節亦書受辛夫歷世之君承天命登天位為天經

理斯世遂於世首而書其當世之君萬變萬事由

此而出天何言哉至四時行焉百物生焉屬乎地

矣故此不書事迹

辰丑

二十一
百九十八

周成王

九

辰寅

二十一
百九十九

周康王

二

辰卯

二十二
百

周昭王

六

辰辰

二十二
百一

周昭王

三十六

辰巳

二十二
百二

周穆王

五十五

辰午

二十二
百三

周穆王

四十五

辰未

二十二
百四

周懿王

八

辰申

二十二
百五

周考王

二十二

辰酉

二千二百六

周厲王

三十

辰戌

二千二百七

周宣王

二十

辰亥

二千二百八

周幽王

五十

星戌

一百八十五中孚

辰子

二千二百九

周平王

二十四

辰丑

二千二百十

辰寅

二千二百十一

周桓王

三

辰卯

二千二百十二

周莊王

十

辰辰

二千二百十三

周惠王

十二

辰巳

二千二百
十四

周襄王

二十
五

辰午

二千二百
十五

周定王

十

辰未

二千二百
十六

周靈王

五

辰申

二千二百
十七

周景王

八

辰酉

二千二百
十八

周敬王

十
三

辰戌

二千二百
十九

周敬王

四十
三

辰亥

二千二百
二十

周貞王

二十
三

星巳

一百八十
六小滿

辰子

二千二百
二十一

周威王

十
三

辰丑

二千二百二十二

周安王

五十

辰寅

二千二百二十三

周顯王

二十

辰卯

二千二百二十四

周顯王

四十

辰辰

二千二百二十五

周赧王

八十

辰巳

二千二百二十六

周赧王

四十

辰午

二千二百二十七

秦始皇

十

觀會經運之篇第一行書周王其下列七國至辰
之巳周亡之後於辰之午仍列秦於第六行而甲

子世首不書秦始皇則是康節不以正統與秦也
不以正統與秦矣此何以書秦始皇十蓋始皇吞
併列國雖非正命亦皇天厭亂使之驅除然此乃
秦併天下之時康節以紀時書之也

辰未

二千二百二十八

漢高祖

九

辰申

二千二百二十九

漢文帝

四

辰酉

二千二百三十

漢景帝

十

辰戌

二千二百三十一

漢武帝

二十四

辰亥

二千二百三十二

漢武帝

四五十

星庚

二百八十七
小畜歸妹

辰子

二千二百三十三

漢宣帝

七十

辰丑

二千二百三十四

漢成帝

六十

辰寅

二千二百三十五

漢平帝

四十

辰卯

二千二百三十六

漢光武

二十

辰辰

二千二百三十七

漢明帝

七十

辰巳

二千二百三十八

漢和帝

六十

辰午

二千二百三十九

漢安帝

六十

辰未

二千二百四十

漢桓帝

八

辰申

二千二百四十一

漢靈帝

七

辰酉

二千二百四十二

漢獻帝

二十

辰戌

二千二百四十三

魏帝芳

五

蜀帝禪

三

吳帝權

二十

辰之戌火德既灰三國鼎分天下辯正統者進蜀
以存漢惟康節與司馬文正公通鑑皆以魏先蜀

吳皆去其號而書名何也謚法昉於周代夏商未
定謚非名則無以辨若鼎書三國之君而名之是
不專與魏也

辰亥

二千二百
四十四

晉武帝

吳帝皓

十一

星辛

一百十八
歸妹

辰子

二千二百
四十五

晉惠帝

十

辰丑

二千二百
四十六

晉成帝

九

辰寅

二千二百
四十七

晉哀帝

三

辰卯

二千二百四十八

晉文帝

二十

後魏道武

古之天下分封列國而統於一王秦始皇併天下
為郡縣然寰宇未嘗判為南北也西晉五馬渡江
遂成南北對境皇極雙存晉與魏二之也唐一行
因天象分山河為南北兩界然則魏晉之分天下
其天命歟民生之不幸自是而後世變益多故然
先書晉而後魏豈無旨哉

辰辰

二千二百四十九

宋帝義隆

元

後魏大武

元

辰巳

二千二百五十

宋武帝

二

後魏文成

三

辰午

二千二百五十一

齊武帝

二

後魏孝文

四十

辰未

二千二百五十二

梁武帝

三十

後魏宣武

五十

辰申

二千二百五十三

梁武帝

四十

西魏文帝

一十

辰酉

二千二百五十四

陳宣帝

七

後周武帝

五十

辰戌

二千二百五十五

隋煬帝

六

六國分天下而秦一之南北分天下而隋一之秦

隋各不傳其世而漢唐興大亂之後有能戡亂者

未必能定亂蓋嗜殺之報秦隋是也欲曙之天必

大暝而後爽至漢唐之興明照萬國矣

辰亥

二千二百五十六

唐太宗

九

星壬

一百八十九

辰子

二千二百五十七

唐高宗

十

辰丑

二千二百五十八

唐中宗

十一

辰寅

二千二百五十九

唐元宗

十二

辰卯

二千二百六十

唐肅宗

十三

辰辰

二千二百六十一

唐德宗

十四

辰巳

二千二百六十二

唐憲宗

十五

辰午

二千二百六十三

唐武宗

四

辰未

二千二百六十四

唐僖宗

元

辰申

二千二百六十五

唐昭宗

辰酉

二千二百六十六

五代之際朱梁以辰之申挾唐帝授禪歲在乙丑
非世之首猶之可也後唐閔帝當辰之酉甲午年
可書矣獨缺而不書何哉藩鎮亡唐五十載之間
代登大寶曾如傳舍與三國六朝之君猶能作威

福於天下享國少延者不侔康節內篇曰後五代之伯日未出之星也洪範庶民惟星今以星喻其君是匹夫之矣視五代之君且不足以伯其可以偕天位乎以會經運篇於秦始皇之併天下亦仍書七國之君不升秦以承周豈無深意哉

辰戌

二千二百六十七

宋太祖皇帝

六

辰亥

二千二百六十八

太宗皇帝

十九

星癸

一百九十

辰子

二千二百六十九

仁宗皇帝

一

辰丑

二千二百七十

仁宗皇帝

二十

辰寅

二千二百七十一

神宗皇帝

七十

辰卯

二千二百七十二

徽宗皇帝

五十

辰辰

二千二百七十三

高宗皇帝

八十

辰巳

二千二百七十四

孝宗皇帝

九十

辰午

二千二百七十五

寧宗皇帝

一百

理宗端平元年

辰未

二千二百七十六

聖上皇帝

辰申

二千二百
七十七

以後皆未來之世

辰酉

二千二百
七十八

辰戌

二千二百
七十九

辰亥

二千二百
八十

星甲

一百九十一
大有

辰子

二千二百
八十一

亥

二千二百
九十三

星甲至第三

癸

二百
解遇隨

辰子

二千二百
十六至

亥 二千三百
十六

以元經會八

觀物篇八

日甲一月未

星甲

二百三十一
隨旅至

癸

二百四十
艮利

以元經會九

觀物篇九

月申

星甲

二百四十一
隨旅至

癸

二百七
既濟

以元經會十

觀物篇十

月酉^十星甲

二百七十一
升至

癸

三百
夫否

以元經會十一

觀物篇十一

月戌^十

星甲

三百一
否先至

戊

三百十五
頤

星巳

三百十
六至

閉物

癸

三百三十
損

以元經會十二

觀物篇十二

月會亥^十星甲


三百三十一
節至

癸

三百六十
明夷

自元經會之未星之申一百二十一以後併會之
午三千七百餘年皆未來之歲也經月會之戌星
之己三百一十六以後皆閉物之歲也康節可以
無觀而觀之既觀之又紀之要一元之始終書世
紀之首尾備皇極之大造莫全於元經會之篇若
會經運則始於開物終於閉物若運經世則不過

上下三千年之間耳康節曰天數始於一而終於
十六地數始於二而終於十五是知地之數不可
以參乎天若天數既終往往有窮則變變則通生
生不息之理老氏曰地法天天法道夫地法天而
數不及於天則天法道亦不及於道大劫之終天
數之窮也劫後又有劫則一元之數自甲以及於
癸亦可逆推



觀物篇解卷一